

subito oblique retrorsum surgente et lateribus subito basin versus ampliato, basi quam apice circiter duplo latiore; scutello apice spina longa retrorsum curvata armato; hemielytris abdominis longitudine, lateribus a medio ampliato-rotundatis, incisura cunei profunda, cuneo margine exteriori rotundato; membrana areola minore minuta; alis areola hamo distincto fere ab origine venae decurrentis emisso; coxis anticis medium mesosterni attingentibus, posticis ab epipleuris hemielytrorum parum remotis; femoribus gracilibus, tibiis rectis, tenuiter spinulosis, tarsis articulo primo brevi, unguiculis aroliis haud distinguendis.

Habitat species unica hactenus cognita in parte orientali subregionis mediterraneae.

Descr.: Genus structura capitis, antennarum, pronoti et scutelli distinctissimum et insigne. Caput medio basi pronoti saltem dimidio latius, apicem versus sensim longe productum, pone oculos in medio positos basin versus sensim rotundato-angustatum, superne a basi apicem versus aequaliter arcuato-declive. Oculi oblongi, laeviusculi, orbita interiore apicem versus divergentes. Rostrum articulo secundo et tertio aequalibus, illo medium gulae vix attingente, quarto tertio paulo brevior. Antennae articulo primo apice ab apice clypei longe remoto. Pronotum laeve, disco postico versus partem apicalem horizontalem colliformem fortiter convexo-declivi, margine basali truncato vel medio latissime sinuato. Hemielytra completa, albo-signata, locis opacis et nitidis variegata; membrana nitida, parva, areola minore parum distinguenda. Xyphus prosterni acute triangularis, planus, tenuiter marginatus. Femora omnia elongata. Tarsi postici articulo primo secundo multo brevior, tertio secundo paulo longior, unguiculis leviter curvatis, mediocribus.

Aspidacanthus myrmecoides Reut.

Diagn.: Fuscescenti-cinnamomeus, pallido-pilosus, saepe abdomine hemielytrisque apicem versus nigro-piceis, illis parte